



Broj: 02-35-2794 /14
Zenica, 06.02. 2014. godine

Povodom najnovijeg protesta majki-porodilja pred Vladom Zeničko-dobojskog kantona, a zbog kašnjenja u isplati naknada po osnovu porodijskog bolovanja, izdajem sljedeće

SAOPŠTENJE

Mlade majke kojima po važećim propisima pripada pravo na naknadu po osnovu porodijskog odsustvovanja s posla imaju puno prava da budu nezadovoljne činjenicom da se sa isplatom tih naknada kasni.

Međutim, treba podsjetiti da do kraja juna 2013. godine nije isplaćena ni jedna mjesečna naknada porodiljama iz budžeta Zeničko-dobojskog kantona. Tek sa julom i promjenama u Vladi Zeničko-dobojskog kantona počela je REDOVNA isplata naknada po osnovu porodijskog odsustva. Problem sa kojim se Vlada ZDK suočava, a na koji upozoravaju i porodilje, zbog čega su nezadovoljne, je neisplaćivanje naknada zaostalih u prethodnom periodu. Zaostatak je akumuliran i Vlada smatra da je u obavezi izmiriti dug prema korisnicima ovih sredstava, međutim, trenutne budžetske mogućnosti su takve da se u jednom mjesecu ne mogu sabrati sredstva za dvije, a kamoli za više naknada kako bi bile isplaćene odjednom.

Istina je, dakle, da se posljednjih pola godine isplaćuju naknade MJESEČNO što se na sve moguće načine nastoji održati.

Istovremeno, pozivanje porodilja na protestu i izjave za medije da im je obećano "da će zaostale mjesečne naknade biti isplaćene odjednom" nisu tačna interpretacija dogovora u Vladi ZDK koji je zaključen konstatacijom „da će biti sagledane mogućnosti da se zaostale naknade izmire“.

Dakle, mogućnosti za isplatu zaostatka nisu stečene jer je u trenutnoj dinamici punjenja budžeta nemoguće obezbijediti više od 650.000,00 KM koliko je potrebno za izmirenje samo jedne mjesečne kvote za plaćanje naknade porodiljama.

Istine radi, moramo takođe demantovati netačnost sa transparenata na protestu na kojima piše da su sredstva za naknade porodiljama umanjena. Pravi podatak je da je budžetska stavka za ovu namjenu uvećana za deset procenata.

Ukupno, planirani iznos namijenjen socijalnim kategorijama u 2014. godini je uvećana u odnosu na prošlu godinu za više od četiri miliona maraka što jasno govori o opredjeljenju Vlade da posebnu pažnju poklanja socijalno osjetljivom dijelu stanovništva.

Naglašavamo da će Vlada ZDK i u nastavku godine nastojati da održi dinamiku isplate naknada porodiljama i svim socijalnim korisnicima nastojeći istovremeno da, ukoliko za to bude prilike, nadoknadi zaostatke.

Dostavljeno:

1x Naslovu,
1x a/a.



PREMIJER

Munib Husejnagić, dipl.ing.maš.